

弋陽縣志

卷十

人物

先正 義行

宦蹟 隱逸

學業 方技

忠節 寓賢

孝女

古之知人尚友者必要諸論世平險順



通後之人所

當設身處地以意逆志者也泰交之朝憂盛危明為

大臣者四方水旱盜賊之事雖小而必陳誠恐逸豫

生於安樂之中不可不有以震動之也至若兵戎歷

境危在旦夕而謀人家國者談笑指揮雍容坐鎮如

謝東山之圖碁別墅寇萊公之豪飲縱博夫豈胸無

成算而以人國僥倖者與嘗觀陳文正當敵至廬州

時朝臣皆遣家豫遜且勸帝幸閩越而康伯屹不爲  
動胸中固有十萬甲兵矣舟迎家人解衣置酒誠以  
固主志而集衆心真無忝社稷臣哉古之以忠節著  
者睢陽之齒常山之舌侍中之血皆倉卒捐軀而文  
節獨從容就義遭遇時變固有無可如何者矣我  
國家教養百數十年敷奏明試拔茅連茹占一善者無  
不錄名一藝者無不庸固不患無以自見矣士之生  
於太平者何其幸也

先正

宋

陳康伯字長卿父亨仲提舉江東常平康伯幼有學行宣  
和三年中上舍丙科累遷太學正丁內艱貴溪盜將及其  
鄉康伯起義丁逆擊俘其渠魁邑得全建炎末爲勅令刪  
定官預修紹興勅令尋通判衢州攝郡事盜發白馬原康  
伯督州兵濟王師進討克之除太常博士改提舉江東常  
平茶鹽高宗進蹕建康康伯以職事過闕得對因請擇將  
上開納紹興八年除樞密院大計議官累遷戶部司勳郎  
中康伯與秦檜太學有舊檜當國康伯在郎省五年泊然

無求不偷合十三年始遷軍器監秩滿三奉祠垂十年檜  
死起知漢州將出峽召對除吏部侍郎康伯首請節用寬  
民凡州縣取民無藝許監司互察臺諫彈劾尋兼禮戶部  
乞約歲用會所入備什之一二備水旱奏上議竟不決兼  
刑部前此有司希檜意與大獄康伯平讞直寃士大夫存  
歿多賴之除吏部尙書宰臣擬用權尙書出命高宗顧曰  
朕且大用何權爲尋拜參知政事上嘗謂其靜重明敏一  
語不妄發真宰相也又命與湯思退輔政事勿憚商論惟  
其當而已康伯言大臣事當盡公若依阿植黨此鄙夫患

失者臣非惟不敢亦素不能高宗嘆其長者普安郡王居  
潛藩高宗一口謂康伯當以使相封真王今宜冠以屬籍  
於是詔以爲皇子封建王實三十年二月也明年三月拜  
光祿大夫尙書左僕射淵聖凶問至康伯主禮部侍郎黃  
中之論持斬衰三年高宗倦勤有與子意康伯密贊大議  
乞先正名俾天下咸知聖意遂草立太子詔以進及行內  
禪禮以康伯奉冊孝宗卽位命兼樞密使進封信國公禮  
遇殊渥但呼丞相而不名康伯自建康扈從回卽以病祈  
去位不允明年故元隆興請益堅遂以太保觀文殿大學

士福國公判信州上慰勞甚勤且曰有宣召慎勿辭宰執  
卽府餞別百官班送都門外已又辭郡巧外祠除醴泉觀  
使二年八月起判紹興府且令赴闕奏事復辭未幾召陪  
郊祀時北兵再入淮甸人驚駭皆望康伯復相上出手札  
遣使卽家居召之未出里門拜尙書左僕射同中書平章  
事兼樞密使進封魯國公親故謂康伯實病宜辭康伯曰  
不然吾大臣也今國家危當與疾就道幸上哀而歸之爾  
道間邊遽兼程以進至闕下詔予安節瑁文好謙掖以見  
減拜賜坐間日一會朝許肩輿至殿門仍給扶非大事不  
署敵師退尋以日疾免朝謁卧家旬餘一奏事乾道元年  
正月上辛有事南郊康伯起陪祠已卽巧歸章屢上不許  
一日出殿門喘劇輿至第薨年六十有九贈太師諡文恭  
擇日臨奠子偉節固辭乃止命工部侍郎何備護喪歸二  
子偉節除直秘閣安節賜同進士出身五辭不受上手札  
批諭寄留省中以成其美康伯薨給還之慶元初配享孝  
宗廟庭改諡文正

按前志於康伯傳前首列楊億復以億列寓賢體例  
淆亂甚矣考宋史億爲浦城人通志郡前志列玉山

寓賢祖文逸令玉時億生署中具見史傳可依據前志乃以其子姓居弋而冒之過矣今故不錄

周執羔字表卿宣和六年舉進士廷試徽宗擢爲第二授湖州司士曹事俄除大學博士建炎初乘輿南渡白京師奔詣揚州不及遂從隆祐太后於江西還觀會稽尋以繼母劉疾乞歸就養調撫州宜黃縣丞時四境俶擾潰宰相挺爲變令大恐不知所爲執羔論以禍福皆斂手聽命既又誅其黨執首謀者斬以徇邑人德之至繪像立祠紹興五年改秩通判湖州丁母憂服闋通判平江府召爲將作監丞明年春遷太常丞會始議建明堂大樂久廢不修詔奉常習肄之訪輯舊聞芟闕工器制作始備累遷右司員外郎八月擢權禮部侍郎充賀金生辰使往奉使官得自辟其屬賞典旣厚願行者多納金以請執羔始拒絕之使還兼權吏部侍郎請賜新進士聞喜宴於禮部從之軍興廢此禮至是乃復向知貢舉舊例進士試禮部下歷十八年得免舉又四試禮部下始特奏名推恩秦檜旣以科第私其子士論譴譁爲減三年以悅衆執羔言祖宗法不可亂繇此忤檜御史劾罷之又六年起知眉州徙閬州又改

夔州兼夔路安撫使夔郡接蠻獠易以生事或告溱播夷  
叛其豪帥請遣兵致討執羔謂曰朝廷用爾爲長今一方  
繹騷責將焉往能盡力則貫爾一兵不可得也豪懼斬叛  
者以獻彝人自是皆惕息三十年知饒州尋除敷文閣待  
制乾道初守婺州召還提舉佑神觀兼侍講首進二說以  
爲王道在正心誠意立國在節用愛人二年四月復爲禮  
部侍郎孝宗患人才難知執羔曰今一介干進亦蒙賜召  
口舌相高殆成風俗豈可使之得志哉上曰卿言是也一  
日侍經筵自言學易知數臣事陛下之日短已乃垂淚上  
惻然卽拜本部尙書升侍讀固辭不許方士劉孝榮言統  
元歷差命執羔釐正之執羔用劉義叟法推日月交食考  
五緯贏縮以紀氣朔寒溫之候撰歷議歷書五星測驗各  
幾卷上之上嘗問豐財之術執羔以爲蠹民之本莫甚於  
兵古者興師十萬日費千金今尺籍之數十倍於此罷癯  
老弱者幾半不汰之其弊益深論和糴本以給軍興豫凶  
災蓋國家一切之政不得已而爲之若邊境無事妨於民  
食而務爲聚斂可乎舊糴有常數比年每郡增至一二十  
萬石今諸路枯旱之餘蟲螟大起無以供常稅况數外取

之乎宜視一路一郡一縣豐凶之數輕重行之災甚者獨之可也上矍然曰災異如此乃無一人爲朕言者卽詔從之充安恭皇后啟宮接行便日與闈人接空事未嘗交一談闈亦服其長者不怨也拜疏求去上謂輔臣曰朕惜其老成宜以經筵留之除寶文閣學士提舉佑神觀上曰遂除龍圖可也經筵二年每勸上以辨忠邪納諫爭上深知其忠明年三月告老上諭曰祖宗時近臣有年踰八十尙留者卿之齒未也命却其章閏月復申前請上度不可奪詔提學江州太平興國宮賜茶藥御書恩禮尤渥公卿祖帳都門外縉紳榮之時閩粵江西歲饑盜起執羔陸辭以爲言詔遣大府丞馬希言使諸路振拔之乾道六年卒年七十七執羔有雅度立朝無朋比治郡廉恕有循吏風乎不釋卷尤通於易

宋史

謝枋得字君直爲人豪爽每觀書五行俱下一覽終身不忘性好直言一與人論古今治亂國家事必掀髯抵几跳躍自奮以忠義自任徐霖稱其如驚鶻摩空不可籠繫寶祐中舉進士對策極攻丞相董槐與宦官宋董臣抑置乙科除撫州司戶叅軍卽棄去明年復出試教官中兼經科

除教授建寧府未上吳潛宣撫江東西

吳潛按李道源撰文節先生神道碑

作趙

辟差幹辦公事團結民兵以扞饒信撫科降錢米以

給之枋得說鄧傅二社諸大家得民兵萬餘人守信州暨

兵退朝廷覈諸軍費幾至不免五年彗星出東方枋得考

試建康摘似道政事為問因言兵必至國必亡潛使陸景

忠銜之上彙於似道坐居鄉不法起兵時冒破科降錢妄

訕謗追兩官謫居興國軍

碑云因謫所之山白命叠山守令皆及門執弟子禮

咸熙

三年赦放歸德祐元年呂文煥導大元兵東下鄂黃蘄安

慶九江凡其親友部曲皆誘下之遂屯建康枋得與呂師

夔善乃應詔上書以族保師夔可信乞分沿江諸屯兵以

師夔為鎮撫使使之行成且願身至江州見文煥與議從

之使以沿江察訪使行會文煥北歸不及而返以江東提

刑江西招諭使知信州明年正月師夔與武高戶分定江

東地枋得以兵逆之使前鋒呼曰謝提刑來召兵馳至射

之矢及馬前枋得走入安仁訓淮士張孝忠逆戰團湖坪

矢盡孝忠揮雙刀擊殺百餘人前軍稍却後軍纒出孝忠

後眾驚潰孝忠中流矢死馬奔歸枋得坐敵樓見之曰馬

歸孝忠敗矣遂奔信州師夔下安仁進攻信州不守枋得



乃變姓名入建寧唐石山轉蔡坂寓逆旅中日麻衣躡履

東向而哭人不識之以為被病也已而去賣卜建陽市中

有來卜者惟取米履而已委以錢悉謝不取其後人稍稍

識之多延至其家使為子弟論學天下既定遂居閩碑云信守

將悉捕公妻子弟姪送建康獄夫人李氏有容德有廉帥

者欲妻之一女自經死弟君烈君澤姪某某及一女二婢

皆死獄中惟二子熙之定之移獄廣陵得釋又有弟君禹

在九江亦不屈斬於市案枋得全家植立名義本傳俱闕

載至元二十三年集賢學士程文海薦宋臣二十二人碑云

薦三以枋得為首辭不起碑云枋得在舉中被徵丁內艱辭又明年行省

丞相蒙古台將旨召之執手相免勞枋得曰上有堯舜下

有巢由枋得名姓不祥不敢赴詔丞相義之不強也二十

五年福建行省叅政管如德將旨如江南求人才尙書留

夢炎以枋得薦枋得遺書夢炎曰今吾年六十餘矣所欠

一死耳豈復有他志哉終不行福建行省叅政魏天祐見

時方以求才為急欲薦枋得為功使其友趙孟達來言及

見天祐傲岸不為禮與之言坐而不對天祐怒強之而北

枋得即日食菜羹二十六年四月至京師問太后攢所及

瀛國所在再拜慟哭已而疾遷憫忠寺見壁間曹娥碑泣

人物 先正

之枋得怒曰吾欲死汝乃欲吾生耶棄之於地終不食而  
宋史綱目夏四月福建叅知政事魏天祐執宋謝枋得  
 死至燕不屈死之附注子定之護骸骨歸葬信州枋得天  
 資嚴厲雅負奇氣風岸孤峭不能與世軒輊而以天時人  
 事推宋必亡於二十年後每論樂毅申包胥張良諸葛亮  
 事常若有千古之憤者而以植世教立民彝為任貴富賤  
 貧一不動其中初枋得之北行也貧苦已甚衣結屨穿人  
 有嘗德之者賜以金帛辭不受又為詩別其門人故友時  
 以為讀其詞見其心慷慨激烈真可以使頑夫廉懦夫立  
 云

明

陳修字伯昂從平浙東授理官援引律令悉本寬厚盡改  
 元季苛政擢兵部郎中遷濟南知府濟南屢經兵燹比戶

彫殘且多衛將練兵屯田其間修至調劑有方兵民相安  
 洪武四年拜吏部尚書六部之設自洪武元年鎮江滕毅  
 首長吏部一切選除考課法制猶未盡一修偕侍郎李仁  
 詳考舊典參以時宜按地劇僻為設官煩簡凡庶司黜陟  
 及課功覈實之法皆精心籌畫銓法秩然未幾卒官  
人物志

按上饒志據列卿錄載修上饒人此據人物志載修

弋陽人事蹟大槩相同而弋志有壬戌兵變眾推為

寨長之語豈所居界連二邑修邑乘者兩存之與

李奎字文耀永樂間由鄉貢登壬辰乙榜授黔陽縣教諭

改保昌遷國子監學錄正統間擢御史按浙江蘇松諸郡  
振風紀重名教表章先賢過化之區而祠祀之以楊文貞  
公薦勅督京畿學政舉儒士黃輔等五十餘人分主師席  
士習丕變陞大理寺丞巡撫河南荆襄時長垣原武等十  
餘縣皆大水奏免夏稅流民聚衆賴其經略以安是年英  
宗北狩監國郕王以令諭召奎鎮守太名順德廣平三府  
練兵固守以重畿輔清豐妖人謀不軌掩捕得之殲渠散  
脅一境以安遷大理寺右少卿歲薦饑奎表發臨清倉穀  
三十萬石以賑尋致仕歸疏請祠祀謝枋得於鄉許之所

著有詩經辨疑九川集歸田錄諡文通子玘有傳

前志

汪俊字抑之舉宏治朝鄉會試皆第一授庶吉士進編修  
與修孝宗寔錄以不附劉瑾焦芳調南京工部員外郎瑾  
芳敗召復原官累遷侍讀學士擢禮部右侍郎轉吏部左  
侍郎時議興獻王尊號與尙書喬宇毛澄輩力爭澄引疾  
去代者羅欽順不至乃以俊爲禮部尙書於時獻王已加  
帝號矣主事桂萼復請稱皇考章下廷議俊集廷臣七十  
有三人上議曰儀禮傳爲人後者孰後後太宗也漢宣起  
民間猶嗣孝昭光武中興猶考孝元孰謂入繼之主與爲

人後者異也武宗全神器授陛下何忍不繼其統今欲推尊本生立廟大內不知出何典籍臣謹集諸章奏惟進士張聰主事霍韜給事中熊浹與夢議同其他八十餘疏二百五十餘人皆如臣等議議上留中而特旨召桂萼張聰席書於南京復命集議俊不得已乃請加皇字以全徽稱議上復留中十餘日至三月朔乃詔禮官加稱與獻帝爲本生皇考恭穆獻皇帝擇日祭告郊廟頒詔天下而別建室奉先殿側恭祀獻皇俊等復力爭嚴旨切責而趣立廟益急俊等乃上議請於安陸特建獻帝百世不遷之廟

俟他日襲封興王子孫世世獻饗陛下歲時遣官持節奉祀亦足伸無窮至情矣帝終以與哀諸君不同命遵前旨再議俊遂抗疏乞休明倫大典成落職卒於家隆慶初贈少保諡文莊俊行誼修潔立朝光明端介學宗洛閩學者

稱石潭先生

列卿錄

按前志載俊以議禮不合乞歸林見素大書完各全節四字贈之初乞休筮得渙之九二日易告我以奔機吾得所安矣因自號機軒究心理學與王陽明相辯論陽明數稱許之曰當今真實究心者惟君

一人所著書皆發明程朱之旨卒葬雙溪之

汪偉字器之號閒齋父鳳自有傳偉舉宏治壬子鄉

二人丙辰成進士以三甲第一人選庶吉士授檢討

初與兄俊俱纂修孝宗實錄充經筵講官以不善事劉瑾

調南禮部主事瑾誅復職任翰林二十年時論推重號爲

二汪正德八年陞南國子監司業風裁峻整有笑比河清

之日後五年陞祭酒刊近思錄以授諸生講明聖賢切實

之學士習丕變武宗南狩偉率僚屬請臨太學不聽扈從

都督江彬竊弄威福詐傳上命取玉硯偉抗辭曰玉硯安

從得某有秀才時破硯可持去彬憚偉方嚴竟罷去六月

宸濠叛江表震駭偉召六館諸生諭以大義令肄業如常

勿有恇擾羣情因以漸安大司馬喬公宇雅重偉備禦之

策每事必諮江西旣平復力贊諸公疏請車駕還京以慰

天下嘉靖改元陞禮部侍郎尋改吏部明年以奉賀人都

留爲吏部左郎署部事一時黜陟人服其公又明年兄俊

以議禮去官新進希旨競以繼統不繼嗣之說進與獻帝

竟稱皇考奉祀觀政殿廷臣持異議得罪者纍纍已又改

稱孝宗爲皇伯考偉上書力辨忌者諷言官斥爲俊弟以

動上聽偉上書乞休溫旨慰留再請得允抵家後日與兄  
俊道義切磋徜徉山水卒塋於月輪山天啟三年吏禮二  
部以名德素孚題請贈禮部尚書賜祭葬

汪佃字有之俊弟正德進士歷官翰林院充經筵講官與  
兄同以議禮不合左遷松江同知尋告歸嘉靖乙未大臣  
交章薦起官禮部郎中晉太常卿轉詹事府以疾乞歸不  
允卒於邸所著有東麓遺稿七十卷

人物志

宦蹟

唐

方竦字仲威景雲元年進士累官鸞臺侍郎開元中討  
為禮儀使竦修舉典禮容止閒雅元宗嘆其知禮封雲亭

侯明志

按舊志方竦傳後載陳勇武康軍節度使開元二年  
仗節鎮信州則非本邑人明矣且其事實未著意邑

陳姓有祖勇者援以入志與

陳伯富任吏部主事咸通九年任銓曹員外郎丁艱歸黃

巢陷饒信起復任兵部郎中破賊於湖南潭州董昌僭號  
朝廷命錢鏐討之遂獻策克越州昌伏誅天祐年間朱溫  
驕恣軍民怨望因說越王從衆則生守節必死錢元瓘復  
據兩浙唐攻福州不克詔越王佐取之遂平致政卒於家  
以子卿貴贈銀青光祿大夫

舊志

按舊志列南唐徐鉉於名臣考鉉弟錯傳謂鉉家廣  
陵未有云江西人者然南昌新建萬載諸志皆以爲

其邑人鉉作徐孺子祠堂記曰恭惟我祖炳靈南國  
其爲南州高士之裔無疑先世自豫章徙會稽耳蘇

樂城與孔宗翰書論徐墳曰公所葬地本其先墳則  
亦太公五世反葬於周遺意舊志乃謂鉉知國勢不

振建業逼近江淮兵禍首及預謀葬父於南昌之西  
山過矣西山今屬南昌府新建縣鉉墓亦在西山以

爲新建人自屬可據邑舊志乃謂鉉樂龜峯之勝營  
別墅爲休息計使子孫居之今其裔遷居鑿上復徙

古塘龜峯宅遂捨爲寺於他書無徵不免附會故乙

之

宋

沈邈字子山進士及第起家補大理評事知侯官縣通判  
廣州累遷都官員外郎歷知真州福建慶歷初爲侍御史  
時呂夷簡罷相輔臣皆進官邈言爵祿所以勸臣下非功  
而授則爲濫今邊鄙屢警未聞廟堂之謀有以折外侮無  
名進秩臣下何勸焉又論夏竦除樞密使而竦陰交內侍  
劉從愿使從愿內濟狡諂竦外專機務姦黨得計入主之  
權去矣其言甚切權鹽鈇判官轉兵部員外郎時選諸路  
轉運加按察使邈與張昞之王素首被選邈加直史館使  
京東歲餘入爲侍御史知雜事未幾擢天章閣待制知瀘  
州徙河北都轉運使又徙陝西歲中加刑部郎中知延州  
卒

宋史

鄭師尹字汝沾淳化進士官戶曹契丹侵邊勅爲招討使  
性剛直議政忤權好年五十餘辭官養親居弋陽之龍泉

舊志

余應球邑志字國器安行子崇寧進士授校書郎靖康初

作求

言和戰不可偏廢又言新政有四大失欽宗親擢爲御史  
應球感激知遇在職三月章六十餘上忤權幸以吏部員  
外郎出爲部使者親喪遂不復仕著有真隱集并奏議今



佚通志

按前志載陳亨仲紹聖進士知清池縣事丁母憂服除通判宣州轉朝奉大夫致仕以子康伯貴歷贈太師封秦國公而未著其宦蹟予為名臣父必為特立傳則與史法乖矣又載陳康赫大觀己丑進士累官翰林承節郎贈左相查通志賈安宅榜無康赫名而承節郎亦無徑贈左相者此必據家乘補入恐有舛謬附識於此

余公瑞字鎮臣安行之姪也政和五年特奏名釋褐為邵武尉度化承歲饑請郡發常倉粟不報即自發之民賴以濟咸稱之曰余父在職扶弱鋤強豪右孤貧各安其所仕十年進秩朝請郎士論猶惜其晚通志

方思尹字民瞻紹興中知太和縣監察御史田如鼈持節臨部一見如舊曰君廊廟人也豈久居此乎章貢兵亂先聲欲下擣廬陵思尹編木為柵狀如鹿角橫截江流民心以安在邑六年參政董德元薦於朝拜左司郎中奏減油麻折苗之稅後遷鄂州總領廣西江西提點刑獄以老辭

豫章書

方疇字畊道建炎戊申進士紹興初上書謂隣國詭詐盜賊猖獗藩鎮跋扈將帥專恣爲四宜憂講征伐理財用擇人材明賞罰重臺諫抑閹寺議詔令郵凶荒訓民兵寬民力爲十宜行其一宜去調時宰也又請擇宗室賢者教之攝儲貳以繫天下之望後通判武岡軍蠻酋楊正據溪洞爲亂疇請發兵蕩之擒其父子以獻郡守李若樸觀望時宰告疇與胡銓爲姻家中以深文湖南安撫陳疇抗章辯救皆罷去疇得貶零陵丞先是張魏公亦謫是郡疇因從其父子遊後判建康以疾終於官有文集十卷今佚

通志

元

陳敏學字志仲元貞進士見奇於學士留夢炎薦之極官時熈請革和買等六事下中書可其二初授司經局宮誥府司經典簿遷太常太祝官蘭溪知州爲政務大體數決疑獄時稱明察運海漕會大風浪幾沒舟者數四敏學祝曰今京師饑饉天子愍之命粟往哺爲民命也神輔國庇民宜有以濟疇畢風卽止陞平江路總管府治申居三年治如蘭溪而聲聞並著戊子海寇方國珍撓邊浙江叅政多爾濟班將舟師討之敏學上策不能用時元綱不振四

境烽起遂決意南歸葺先廬而居焉

舊郡志

明

吳添麟字廷瑞由進士授禮部主事遷郎中嘗奉使東魯

闕楚諸大藩清聲偉望見重於時

明志

侯康遠字直夫由薦舉授浙江建德令擢守橫州皆有惠

政任滿民上章保留得再任尋擢嘉興府同知清儉以率

奢俗有菜同知之謠尋請老歸卒

人物志

李玘字廷紳奎長子也正統進士授四川道監察御史歷

差巡按兩浙山東直隸克振風紀玘按四川時父奎亦拜

山東之命父子同時總繡都人榮之為建雙驄門於京邸

陞陝西副使整敕邊備遠人畏服有父風仕至河南按察

使而卒

舊郡志

李曰良字朝佐奎從子也景泰進士授湖廣道監察御史

改四川道巡視兩浙鹽法巡按山東廣東北直及永平等

府所至發奸摘伏凜若神明成化三年陞河南按察司副

使尋卒

舊郡志

黃溥字澄濟正統進士擢御史歷任廣東四川按察使表

賢勵俗恤民察奸政績卓著所著有石崖集漫興集所編

輯者則有策學輯畧治世正音詩學權輿等書今佚

通志

鄭齡字夢齡登進士拜官工曹累陞四川左布政使時劇寇野王剛作亂齡乃峙糗糧繕兵甲卒生擒之擢右副都御史巡撫河南振憲綱察風俗禮賢愛民卓然中州之望卒於官賜葬祭

通志

姜綰字玉卿成化進士由金陵知縣擢南京御史宏治初陳治道十事又言午朝宜論大政毋泛陳細故皆報聞二年二月南京守備中官蔣琮以蘆場事下綰覆按琮囑綰求右已綰疏言琮以守備重臣與小民爭利假公事以適

私情用揭帖而抗詔旨揚言陰中脅以必從其他變亂成法厥罪有十以內官侵言官職罪一妬害大臣妄論都御史秦紘罪二怒河閘官失迎候欲奏罷之罪三受民詞不由通政罪四分遣腹心侵漁國課罪五按季收班匠工銀罪六擅收用罷閑都事罪七官僚忤意輒肆中傷罪八妄奏主事周琦罪欺罔朝廷罪九保舉罷斥內臣竊天子威柄罪十事下南京三法司既復特遣官覆治以奏先是御史余濟劾中官陳祖生違制墾後湖田湖爲之淤奏下南京主事盧錦勘報錦故與祖生有隙而給事中方向嘗率

同官繆樛等劾祖生及文武大臣不職狀又因雷震孝陵  
相劾大學士劉吉等十一人而詆祖生銜何切骨時向方  
監後湖黃冊祖生遂揚向錦實侵湖田詔下法司勘勘未  
上而琮爲縮所劾於是琮祖生及吉合謀削錦籍謫向官  
復逮縮及同官孫紘劉遜金章紀傑曹玉譚肅徐禮余濬  
給事中繆樛赴京論鞫皆謫爲州判官縮謫判桂陽量移  
寧國同知遷慶遠知府斬劇賊韋七旋韋萬妙其黨糾賊  
數萬攻城縮堅守檄民兵夾擊破走之東蘭諸州蠻悉歸  
侵地總督劉大夏奇其材薦爲右江兵備副使思恩知府

岑濟逐田州知府岑猛縮獻策總督潘蕃蕃令與都指揮  
金堂合諸路兵大破賊思恩平縮條二府形勢請改設流  
官比中士廷議從之縮引疾還俄起河南按察使尋復以  
疾歸卒於家

明史

李鏡字文明舉進士授刑吏主事黎文僖知其賢薦知岳  
州府築辰陵磯洩水墾田民深德之名曰李公堤陞河南

按察使轉浙江左布政使卒

懷麓堂集通志

汪鳳字天瑞舉進士歷任刑部郎中出知漳州府建學造  
士作捍海堤立保甲法會屬邑盜熾上官欲以叛聞鳳持

不便卒以算擒之患撲而民不擾其簡靜有為類如此擢  
貴州叅政卒子僕虞部郎俊宗伯倬吏部侍郎佃待讀人  
以為積善之報云 人物志

黃瑀字廷輝由監生授考城令泚盜安民興學勸士登馬

政捍河決具有成績繼令彰明綏復流亡表勵孝節有古

良吏風當道方欲薦用以父老乞休杜門孝養不復出 舊志

汪鏗字東之鳳長子也成化辛丑進士授青州府推官始

為郡成易其年少閱數日連決疑獄眾駭服胥吏凜凜莫

敢欺三年行取工曹晉郎中嘗監稅於杭督運於蜀視河

決於張秋所在著仁聲寢就大用以病告卒於途 通志

方仁字行恕由進士官刑曹陞湖廣僉事所至求民瘼察

奸貪風紀肅然時澧州王府卒校持鈔貫強索市物糞糞

已久有司莫敢問仁捕得數十人悉發戍邊其害遂息 人物志

吳晟字克明宏治庚戌進士由郎署擢泉州守忤閩瑾被

黜罰米五百泉民競為代納瑾誅起四川叅政督儲有功

欽賜銀牌方擬進用堅請致仕歸 舊郡志

陳善字克一范希淹字景賢俱宏治進士善授湖廣安仁

人物 宦蹟

知縣鄰境大盜陳萬牛善以計撲滅之忤逆瑾罰粟數百石轉嚴州府判去民思之瑾誅陞安吉知州擢某部員外郎陞楚雄知府卒於官能大書有忠孝二字及箴藏於家范希淹官行人御史擢鳳陽知府有惠愛亦以忤逆瑾調桂林瑾誅陞廣西兵備副使性廉潔歷官三十年如一日

採舊郡

志合撰

按陳善見湖廣名宦志載善以編戶逃亡重役累民奏減十五里為七里民永懷之惜其他政蹟未詳閱范希淹傳其忤逆瑾有類於善者故採為合傳

謝琛字德温宏治進士授東陽知縣東陽號難治琛摘奸發伏如神欽取御史巡按直隸風裁凝峻貪墨望風解綬

陞太倉兵備副使尋致仕歸

舊郡志

李曰雍字朝治以掾吏授義勇經歷陞霸州同知與知州

高鵬同勦賊劉六劉七等追至金山賊遁築霸州石城蒙

金綺之賜陞高州通判卒

舊郡志

陳應魁字汝元善長子也弱冠博學能文為張東白林見素所重後以歲貢任南寧推官政平訟理未及期卒於官囊橐蕭然有司給路費乃得歸清議加重焉

舊郡志

黃春字伯元溥之孫宏治舉人授武義令御史歐鍊薦其  
才堪繁劇改調永康武義民間之赴當道保留者最陞刑  
部主事晉員外郎以年老上疏乞歸武義士民建祠祀之

舊郡

志

方梁字子才任景陵令治獄甚平執法不阿有私謁餽金  
者作色擲甌拒之同寅邀飲力辭女樂景人語曰暮夜碎  
甌甌清白何殊楊震清晨辭女樂堅貞不愧魯男巡撫范  
嘉獎之陞高州通判尋擢守本郡祀景陵鄉賢

舊郡志

汪審字惟幾俊從子也隆慶進士授都水司主事晉郎中  
提督張秋河道為大司空朱衡所重陞潮州知府勤於為  
政切於愛民三年轉本處兵道遠得危疾戒勿以喪費累  
潮人極還之日士民哭奠者萬計

舊郡志

陳洪範字惟敬以廩生入南監選授貴州宣慰使司都司  
陞湖廣襄陽衛調度有方猺獠化戢瓊黎諸彘叛命範勸  
捐助餉士庶樂安他如平獄讞禁奸宄興學校惠善良革  
屯軍之害裁征調之煩釐夫馬之弊嚴險隘之防未易更  
僕數陞河間府同知

舊郡志

按前志洪範傳後載陳洪猷官階不著事蹟未知是



否洪範兄弟無憑附載

方銳號雙溪由廩貢任雷州推官勲倭有功陞慶遠守疏奏豁免本邑魚課之累及致仕歸家請還葛溪驛驢馬詳

武備志中 前郡志

方雲雲亭侯裔嘉靖間以明經仕為定遠知縣陞漢州牧所至有善政致仕歸杜門著述四壁蕭然康熙間邑令陶

顏其家祠曰清白流芳 前郡志

查前郡志載雲為寧遠令陞漢州牧前志又載安遠知縣陞漢州知州交相訛錯今依族譜改正

黃青 舊志作清 字伯宗由掾吏授四川利州衛經歷天全土舍

叛青馳諭以順逆禍福遂聽命建昌大衛寇擾邊鄙又檄

青往諸番盛兵以待青笑曰我來為若等求生耳何甲也

皆解甲受盟滇中賊起督院呂從蜀借青往勦之青輿棺

督陣士卒爭先斬獲甚眾以兩省薦陞敘州府通判時青

返蜀適在建昌土官鳳姓為警家安姓所殺臺檄青廉之

安姓重賂青青不納卒正其罪為鳳姓立後而還諸蠻誓

服至敘又平九絲寨改判台州委視縣篆樊葦利舉條陳

丈量四十五事皆鑿鑿可行陞嘉興府同知董治海塘費

不過十萬而成石堤二千七百丈民號曰萬年塘又因築塘取土之便開白洋河部使上其功加授四品服俸隨帶陞銜兩淮運使同知兼管治河修贖應湖石堤晝夜督理勞瘁成疾功垂成而沒中丞潘題加卹典贈陝西行太僕寺少卿賜香火銀百兩祀府鄉賢子榜自有傳前郡志汪夢尹字莘衡贈禮部尙書偉曾孫也拔貢授嘉興縣丞署石門縣事合邑愛慕之甫半載以部解離任別委通判視家民大譁願仍得前汪尹卒強夢尹復往而民始安陞興寧知縣三載奏績按院溫臯謨特疏薦之陞鎮江同知

因瘍作致仕壽至九十七而終子嘉錫明經有文名前郡志

黃啟蒙以貢授華陽訓導會小西天番僧爲亂啟蒙諭降

之題陞汶川知縣調蘭溪啟蒙博覽多能宏達不羈解官

歸盛飾園館以自娛一日手治一棺作平生賦以書其首

自言當以明年之八月二十二日酉時終人皆笑之及期

果然子輿清舉人前郡志

黃榜任鄜州州同署安定縣流寇數萬圍城閱月與士民

誓死殺賊城卒賴以保全洪承疇特疏首薦之因病告歸

生平孝友嫻睦飭躬勵行爲郡人士楷模次子中耀以明

經為司訓四子中焜丙子魁一經

前郡志

陳必誠號毅齋貢成均大司成深加器重時廟享錫典因

薦於朝口肄業陳生才氣不凡學識宏通有有守有為之

實宜弗限以科第請出試州縣周知民事以鍊其才奈抑

於銓部僅得佐陝州居二年婁東陽叛遠近震擾慨然以

請寇為己任一州獲全州正上其事未下日時事如此吾

終不以此喪厥軀未可謂薦我者為我知而抑我者不知

我也即致仕歸歸之日州民涕泣扳留送者數百里

前郡志

范汝光山舉人任寧國推官每奉命巡行益自矜飭有以

臯比裘金進者人謂獻虎皮也光笞所受吏而還之際大

喝其人曰餽以代茗公曰正吾飲冰時豈能爍金飲哉常

慕趙清獻之為人賦琴鶴圖以見志卒以忤權要不獲大

用

前志

蔡元相會試聯中乙榜任西安知縣聽斷明允以養親致

仕民鑄銅像立生祠祀之尋兩詔起復陞淮安通判半載

辭歸壽九十而卒

前郡志

按前志謂元相著審石封柑異蹟此事不別見各人

紀述何以不著本末凡詞不雅馴者後人載筆可稍

修飾若事蹟則不能鑿空補綴也覽者諒諸

此語志簡示陳善齊使計望謂此語不無見於

補編詩以十而卒

外只論論於立至願取之極兩語與或到折必應降半

參以四會其錄事已錄其西文或錄其通便食以

出而

舉世前無之五人知琴韻圖以景志卒以并其是

報其人曰於以升公曰五香於其報其報金其新

舉出乘金其香人隨其武武其受其受其受其受

學業

宋

齊之禮字亨仲元符進士靖康中為監察御史與人交初

泊然若無意久乃愈親開引鄉曲子弟訓誨叮嚀本於忠

厚廉介而用以和裕

通志

陳景思故相康伯孫為籍用令時攻偽學日急選人余嘉

玉乞斬熹士之繩趨尺步稍以儒名者無所容其身景思

與韓侂胄有姻連勸侂胄勿為已甚侂胄意亦漸悔

宋史朱文

公傳

人物 學業

元

李纘魯里失考顧瑛玉山草堂集有弋陽山樵李纘序一

篇當是弋陽人

通志

黃叔樵博學能文善楷書嘗分教邑庠以足疾辭歸授徒

於鄉為後學所宗與兄孟耕處友愛尤篤居家嚴禮法禁

絕佛老之教

通志

明

姜度字時矩號理夫永樂舉人授德平訓導宣德十年奉

檄纂修宣宗實錄九年報滿赴銓部謫授閩縣河泊使大

使知交為之不平勸毋往度曰君命也促裝之任釐弊舉

廢不以卑秩自暇逸供職六載引年歸度賦性仁厚見有

道礪必躬掩之孫綰曾孫清皆進士至太官有傳

舊志

按邑志惟陳令所修者現存別無舊本然列傳有註

新增者則其他大半仍舊志故仍分別註之

姜清字源甫綰之子也正德進士歷官至大理寺少卿陞

大常寺卿卒於官性清介恬退與物無競家居葛巾野服

出入步趨無顯貴氣所著詩文未嘗屬藁人皆欽其才敏

前郡

志

人物 學業

完

黃易字伯貞溥之從孫正德進士選庶吉士授編修以文學推重一時尋以註誤罷去嘉靖間詔求館閣真才易與焉起司經局司直兼太子校書既而申沮易穎敏絕倫少師事宗伯汪俊晚年造詣益深有比彭集潭石清言若干

卷今佚

前郡志

汪希甲與武石汪氏同出婺源越國公後登崇正進士未仕而卒幼孤無倚世父廷桂贍之督之使學家居杜門著述博綜羣典雲間陳子龍為之傳猶子穎芳順治間貢士嗜書力學潔清自治不苟諧俗鄉人敬憚之

前郡志

周濟字號鳳南邑廩生少孤介嗜學不倦年十四負笈走白鹿洞從師甲午中乙榜名士得雋者多遊其門如汪心

淵黃榜鄒廷讚皆其表著者

前志

庠生鄭邦堯詹用伸陳應斗徐時科方學裘姚祚虞談道著書以名檢自勵足不涉長吏之門雖衣粗食糲泊如也

時論高之

採舊志合傳

汪德滋邑廩生正詹佃家孫也為文幽沉孤峭自成一家陳羅章艾諸前輩俱心折之先是邑令齊蘭芳奪啟聖宮為生祠德滋抗言阻之尋被誣黜司李吳鑄原其情為之

申復壬午聘修縣志不阿諛不徇私人稱其諒直戊子當領歲薦以疾卒前志

汪希亨李應韶邑廩生五六歲讀書目數行下一日可成數十藝希亨資志沒應韶僅中副車設帳授徒從遊甚盛

後學至今稱之舊志

黃繼芳山谷之裔其先人流寓北鄉遂家焉閉戶讀書窮

冠遊庠不得志於有司將卒業太學不果歸而有終焉之

志鄉史莫源府丞王弼主事彭勗各有詩文贈行舊志

方岳邑庠生雪亭侯裔為人甘貧好學綽有古風雖葺門

疏食吟哦不絕凡後學問難裁答如流戊子閩變寇殺其

妻黃氏悵鬱而卒舊志

舒振達邑庠生博學多聞兩與修縣志慎行謹勵名檢非

公事不入城市晚年益好學著述甚富號龜山樵逸庠生

陳燻歲貢周道新與振達俱耄而好學者廩生何維布衣

李大猷學行俱為時所重久困悵鬱以終採前志合傳

國朝

張澄府庠生少負奇志下筆千言見知於學使侯以七藝入泮邑令譚瑄重其文行為作墓誌鄧方國以廩生入國

學大司成翁叔元嘆賞之考職州同年未三十而卒前志

姚周禮號雲奕本周氏因父邑廩祚美繼姚故姓姚以恩

貢選餘干訓導邑士慕其學問學使王區以名達天衢子

如璣字星石非公不履城市幼歸宗嗣世父廷詔前志

陳繼泰字伊朋庠生陳奎字聚庚歲貢士俱宅心渾厚見

義必為授徒不計束脯門下有貧乏者常贈以膏火之資

歲貢生葉執宏師範克端後學亦多所成就前志

陳仁字統兼乾隆丙辰 恩科解元是科雋者多年少美

材仁以高年冠其曹嘗與修前志不欲為異同然胸懷坦

蕩好惡無偏頗邑人士共信之屢上公車不第亦不甚屑

意年八十七卒

方棟字季吉歲貢任德化訓導博通經傳工詩文教人以

身體力行為要生平居敬窮理直尋聖學淵源秉鐸潯陽

條教悉備居鄉授徒多所嚴憚年七十有七卒

張鶴琴字韻清邑廩生資稟邁俗幼孤力學窗牖遍書遺

訓以自策勵試輒冠其曹入泮補廩輒潛然淚下以先人

不及見為恨撫愛幼弟至老不忍分異子婦有相詬病者

開誠責之莫不感泣其先人嘗欲置祭產鶴琴卒營田數



十畝以成其志生平好獎進後輩賞創曲江書舍教其族  
之子弟至撫族孤助婚嫁爲鄉里排難解紛又其餘事茂  
庚子分校郡邑志以疾未竣事而卒其子姪皆有聲庠序

云

忠節

宋

謝徽明枋得伯父也以特奏恩爲富陽尉攝縣事時天基  
節上壽元兵奄至徽明出戰死二子趨進抱父屍亦死

宋史

明

范定國邑廩生閎才博識能通識緯之書與兄孝廉靖國  
發憤下帷遭戊子寇叛土弁乘機劫掠定國正襟危坐罵

賊而殞

郡舊志

邵之榮邑庠生篤志本業目不窺園因亂習武事戊子寇

變不屈而死

舊郡志

國朝

葉春藻號出凡庠生

國初餘氛未靖竊名犯順者蜂起春藻行保甲法為一方

禦侮比土寇環起策力莫支為賊所執不屈死妻馮氏妾

熊氏殉之春藻無子妾金氏撫夫兄子為後歷諸艱辛旋

以哀毀卒從子鼎為合葬於家塾喬山堂後之祈雨嶺即

以是堂祀之名四節堂

採四節堂記增

按前志藝文內載四節堂記為明時餘干四川督學蔡應震撰文記內稱葉君始同譜疎屬杜詩韓文惠

有成例此固無足怪然為人紀忠義大節非遊覽諸

記可比未有不著其名字者乃葉君竟未知何許人

於義法母乃姪與茲從其家乘考得之庶幾春藻一門無遺憾於泉壤云

張涵邑庠生武藝過人甲寅耿變率鄉壯義民躬犯矢石

保障地方乙卯春遇賊大戰兵力不支被擒勒降不屈逼

供同侶涵唾其面曰爾負國恩我自倡義恨不能斷爾頭

何問同仇乎時三月二十四日與興安典史魏朝璉同被

舊郡志

陳登雲甲寅閩變賊掠村墟與族人避匿山谷中賊奄至

倉皇被獲勒令導路搜山不從搥楚萬狀體無完膚猶罵

不絕口遂遇害

得郡志

范志俊邑庠生慷慨義俠臨難不懼順治戊子土寇猖獗

執使降憤罵不屈而死同族邑庠范昌緒及范贊明俱被

執不屈曰吾不為逆賊民願為聖人鬼引頸受刃同罵賊

死 前雜志

孝友

唐

張球邑人球父沒五年廬於墓側哀毀過神墓門磚上生

芝草七莖有鶴巢於墓之叢竹詔旌表門 冊府元龜增

按張球名見唐書孝友傳序載弋陽人事蹟遺載今

採冊府元龜補又序內載以事親居喪著者有弋陽

李瑩暨子凝孫楚數世同居者有弋陽李植天子皆

旌表門閭賜粟帛州縣存問復賦稅惜其他事蹟無

傳諸志皆失紀附識於此亦以樹風聲云爾

宋

周十公年十歲喪母吳氏哀慕如成人嘗從外氏卜葬地

夜夢神人曰翌日山下有雉飛出即汝母葬處黎明行里

許果見雉飛起草茅中眾驚異之遂葬其處

舊郡志

余安行字仲勉所居有巖如月號石月先生歷官朝議大

夫性篤孝親喪廬墓名其亭曰無盡以表孝思所著有至

言春秋新傳諸集今佚

通志

余公彥瑞弟也由鄉貢太學乞歸侍養親沒負土為墓作

白雲亭以致其思

通志

謝氏二子其父微明為富陽尉攝縣與元兵戰死二子趨

進抱父屍亦死

宋史

按二子據家譜名君恩君錫前郡邑志俱佚其名

吳德祥六歲喪父家貧比葬以衣裹小石周埋墳麓令異

日可尋年十三值兵變隨母胡氏轉徙母卒哀毀幾絕繼

父以徭被逮罪莫測德祥請代行人或阻之德祥曰獲全

此生以保吳氏祀繼父恩也報生以死安所避之繫獄歲

餘過赦得歸

通志

明

人物 孝友

汪廷桂兄早卒猶子希甲親督課之卒捷南宮壽九十有二劉尚珍力田供養能得父懽心子五人以耕讀分命之教以學吃虧法

舊志

張玉貞母瞽二十餘年玉貞割股額天遇神醫金針撥之

復明十餘年母卒侍父寢處跣步不離父沒刻像朝夕奉

如生有司嘉其行授以冠帶不受旌其閭曰孝子張玉貞

之門方庠事繼母如生母母病目以舌舐之復明弟性不

馴寬以教之尋自感悔督學致禮帛扁之曰純孝

舊郡志

汪嵩字景山母疾割股肉糜之食之愈三載疾復作刳肝

烹以進疾遂大痊郡太守以上聞奏擢漁陽守黃璠母久

病三詣九華山步禱亦割股已母疾有司以聞勅授散官

朱應甲母疾割臂秘不使人知後父疾復然年老昏悶仆

地家人覺之見右皮膚半裂左臂刀痕宛然郡邑先後旌

異之餘于副使葉應宸為立傳

舊志

方正本字斗輝生聰穎讀書見大意幼失怙恃哀慕忘寢

食邑令顧獎之舉鄉飲賓卒年九十有七

前郡志

國朝

徐光藩庠生避亂卜居晚溪鄉里以孝友稱兄弟子姪約

人物 孝友

百口同居無異言

通志

程元吉葉新俱有至性元吉父好食鮮菌隆冬不可得涕

泣顛天屋旁樹即生菌以水沃之可充膳新父病思桃實

虔禱於仙姑潭水忽湧起有仙桃浮出持歸獻父病痊邑

令皆獎之

前志

葉春榮字我辰有至性弱冠喪父三年孺子泣因病棄帖

括會母得危症榮亦傳染猶力疾侍奉湯藥族黨起微邑

令孫旌其廬

前志

周之彥字右華為諸生早失怙順事繼母孝養備至中年

喪偶不娶屢舉鄉飲大賓享年九十揚時繼年十三喪父

百計養母以孝聞亦壽至八十一

前志

花和仔母姚氏為賊所執奮躑求死賊抽刀欲殺之和仔

前抱賊按其刃刀出僅半環屈不得拔羣賊競砍之母子

皆遇害

通志

汪年椿八歲喪父隨母陳再適許許復生二子同事田疇

以養其母陳卧病三閱月日者以大限垂盡俾速治後事

年椿榜程無計焚香祝天割股以進越三日母病遂愈義

民姚政聞其事助以肉米復舍里社呈其事於縣陶令獎

之庠生李聯芳周助隆劉其煥俱以割股舉孝行前志

周泰來事繼母呂宗賢事寡母李天秩事庶母俱以孝聞

方承鸞順親則友不敢侮慢於人前志

汪蘭錫庠生興寧命夢尹子父病卧不解衣順治三年避

亂山居音問隔絕遙聞父病革倉皇奔赴中路為兵所梗

夜越險嶺猝為賊傷墮崖下二日而斃前郡志

張尊美廩生性至孝事繼母吳如生母吳生子濟美而父

死尊美教養備篤一日赴鄰家飲少假寐忽大呼曰子將

赴冥召矣呼其子弟至囑以後事言訖而逝前郡志

胡良弼諱國安闖變之際年方十五衛親避難草莽間故

故哀毀骨立行乞求助以盡喪葬復負寡母逃寇與邑橋

遷流離無家可歸就地訓蒙事母母故賃山安厝築舍墓

旁舌耕三載以償地值撫弟友愛白首同居厥後舉五丈

夫子俱克宗前郡志

劉世佐字翼明粗通經史父早亡事母吳以孝聞嚴寒必

以體溫席母卒下地貴溪載柩而往舟覆抱柩長號風漂

抵岸得不死水入耳遂病聾棄舉業精醫術療危疾不發

一錢人賴以活者無算見有溺女必收養之見傷物命必

買放之陰行善事類如此生九女而乏嗣里黨惜之前郡志

李宏春父沒時家窘甚鬻身殯葬後主人憫其勤苦放歸

年六十始娶妻生子力田薄有贏餘時以賑族黨之窮乏

者年九十卒汪秉德傭工養母有餘施茶為母祈壽蔡世

禮以別駕子力田得母懽心年九十三猶能書蠅頭字前志

方棠字叔吉邑庠生事親色養供具必親致與兄弟皓首

同居人無間言年六十餘太守陳世增重建學宮委令督

工曲盡心力前志

張世璿字衡玉九歲失怙因母舒氏病棄傭業醫精其術

廣施丸藥活人甚眾義不取錢母素好施曲體之常推所

餘以賑貧乏橋路傾圯捐貲修理不少客監生李北鑰字

成初亦以錫類為心鄉鄰有借貸不能償者焚其券前志

趙斗字還初邑庠生事父母以孝聞家無宿養而兄弟鼓

歌自樂前志

葉棗邑庠生孝事繼母雖遭兵燹流離困苦色養益摯弟

被土賊囚繫變產贖歸分異讓產撫姪如子每日三復朱

子格言持身涉世頗有古人風汪繼宣方來花天球皆諸

生中之篤行者前志



鄭奕慶監生幼失怙恃倚叔父思尹爲命年二十叔逝奕慶愛弟如叔愛己人咸歸美於其叔焉里有窮蹙將出其妻以償債者贈以金俾得偕老又邑庠葉人元字季超父遺產數百金悉以讓兄兄無祿撫諸幼姪一如兄在時胡肇垣路大傑翁俾皆篤於至性有善行

前志

汪超字子升邑廩生性孝友母病夜焚香祝天求以身代不獲三年中枕簟反覆皆涕痕也待異母弟友愛老而彌

篤

前志

黃應琦字奇玉事八旬祖母奉養無違兄弟早世子立成

家叔繼逝堂弟孤教養備至施橋路烹茶以飲勞人至老

不倦鄉里咸稱長者

前志

謝琅號襍亭歲貢生父藩年逾八旬能色養善事繼母晚任樂安訓導勤訓課士鄉於學聞繼母老病復念兄瑯年近九旬不欲久任尋告終養歸卒年八十有二

按前志已爲琅立傳在爾時爲見在人後乃任訓導故增入事蹟列於前志之次

張大彬字雅如讀書慕義慷慨有爲早年失怙母老目盲大彬以舌舐之求醫急湯藥數年目復明猶朝夕左右待

二弟以養以教弟亦事之維謹撫服內孤姪爲之婚娶置產嘗立拯女會田七畝有奇不能養者收租酌給之里有稱貸不能償者焚其券年僅五十死之日都人奔走哭弔

至今人猶稱道不衰

陳奎撰墓銘

張照幼年失恃終鮮兄弟父公獻二十喪妻終身不再娶因悼傷過甚遂致雙盲照痛母亡父瞽徒步千里求醫罔效終日涕泣以舌舐目目復明人以爲孝感所致後父病不起哀毀骨立每逢朔旦哭泣孺慕數十年如一日

增生謝瑋字相其事繼母能得其歡心幼弟琅宦歸白髮雙垂權如童穉舉鄉飲介賓卒年九十耆民陳鵬兄弟六人食指數百人無私積陳紹勳篤愛猶子分廬田產推肥取瘠陳鴻亦以孝弟稱

方道炎字宇紅庠生從父棣宦潯陽年邁多病道炎恐弟幼弱服養未周棄家務隨侍及從父病假歸夜泊江上舟遇火災僕從倉皇失措道炎見鄰船解纜避燭急負叔呼號躍他舟以脫乾隆二十六年立文昌會月朔望聚族內生童設饌會課評文高下給資獎勸乾隆八年歲饑盡出所餘照丁給米不足勸富饒者補給之族隣賴以全活後

逢饑歲亦然至今人咸戴德焉

周紹旦庠生生平孝謹母故廬墓哀號服闋乃歸內寢族素貧紹旦捐義穀八十碩春借秋還加一起息立族長主族無後者之祭營建祠宇捐田一十六畝有奇族孫崧年四歲父母俱亡族姪文炳八歲喪母家無宿食俱爲教養婚娶及長撥田并店租贍之族中待以舉火者指不勝屈吳紹球生平未嘗讀書所行諸事出於天性乾隆甲戌年二弟客遠方染患疫疾球聞馳往調護朝夕不離者數月病卒不起扶襯千里安葬故鄉撫育幼姪如己出鄉飲賓胡世元年七十時母年已九十矣啼笑如孺子容方文登事繼母如母子年雖長婚嫁必先弟而後及子賑饑濟貧亦與世元同

陳良策字秉陽邑庠生善事繼母無少失母歡撫弱弟昶教養胞篤昶領戊子鄉薦庠生陳儀鳳祇父恭兄亦門內無慚德

邑庠吳自新字俊升性孝友尤加意遠祖墳墓又置田備祭日子孫縱不省墓無不收租者田與墓隣然後墓可長保也其卒也邑令盧生蓮爲之銘弟監生日新善成兄志

專繼母尤篤母好施歲饑日新施粥四十日鄉里德之

...

...

...

...

...

...

...

...

義行

明 邵昱字伯觀正統元年丁巳歲薦饑應詔出粟三千石以

賑奉旨旌獎給冠帶吉水編修鍾復贈言

邵舊志

范起淵自建花軒書院中有守約齋因以為號由例監授

史曹振興家學仗義樂施無倦色

舊志

范子文邑廩生力復家塾義田以勵後學嘗濬溪河功雖

未竣區畫皆有法式又建涼亭曰廣仁庠生李之榮憫貧

焚券全婚郵困享年八十而卒

舊志

徐紳謝士文方世禮荒年賑卹惠濟鄉閭吳賢銘修建橋  
路亦好行其德者姚志訓以排難解紛爲時所重陳良箴  
當道委司道鐸里開興於仁讓舊志  
路相字表葵力學淹博所得束脩以資貧而好學者嘗夢  
人冥府金筆書其名年九十而卒姚孟學胡朝芳方廷位  
俱有學行舊志  
姚國祥椎魯無文惟務耕耨晨起擊鼓促子弟於田不率  
教者撻之年九十五日坐豆棚下講在世忠孝事戴位球  
生四男使兩耕兩讀親課其勤怠人謂有兩漢孝弟力田

風舊志

國朝

鄧尙義字極先邑庠生性嗜酒有陶元亮風與方姚二友  
爲垂髮交其子貧不能娶義有庄田四十畝在雙港分給

二友令爲子娶婦前志

謝藩字偉人琛五世孫國子生考授州同嘉落光明遇事

善裁決族黨倚重享年八十有一前志

李廉字清也明孝廉日乾會孫弱冠遊庠爲人謙恭白牧  
有強隣侵其山木見之曰勞甚渴乎因持茗飲之鄰慚而

退前志

王三省邑庠生性好施與修雙港橋山口路築洋潭插水  
陂灌田三百頃同井均沾監生方塘維南及徐廷桂常施  
棺木及絮衣里有貸者聽其自償不迫取修建橋路樂此

不疲前志

湯應雲動檢年九十餘猶襤褸荷鋤身先備作方文明

恬淡寡欲躋耄耋童顏鶴髮望之若仙童延盛淳樸有長

者風前志

劉有芳庠生甲寅之變郡守高夢龍至弋同邑令陶燿至

芳家集民兵西詣邵姓由饒赴省請兵柯逆追之不獲擒

有芳至郡拷索千金傾家贖命子生員景寬視父受楚慟

哭而亡舊志

鄒邦俊字啟侯性孤峭早失怙恃傷孤特姚士吉無子為

其女引容擇壻得邦俊狂喜歸有日矣士吉遽卒母氏黃

竊戒其女曰聞鄒氏子誦法古人迥異常情倘事之敦禮

必獲謹女謹識之歸數年起居相敬如賓連產弗育氏未

嘗須臾忘母戒也一日掩內室更衣露體夫自外人啣怒

彌日氏迺以寧母辭母固知其不能強也聽之邦俊亦不

更娶異地一心雖淒寂窮餓至老死俱相信不二人至今

傳頌不衰舊志

張世城字俊玉勤謹好施歲饑平糶鄉鄰難舉火者計口

散米賑之族有鬻田者價已楚後衣食不給世城憐之還

其田不復徵價數年其子復以原田鬻又授以價如此者

三舉鄉飲賓卒年七十前志

江應和幼業儒未就力勤稼穡持志端方鄉里推重舉鄉

飲賓壽八十而終邑令祭賦詩輓之詩曰驚聞更老賦魂

招賴有江花繞膝飄為想長橋明月夜扶筇曳履獨逍遙

前志

舒懋鎮張信姚元華俱慷慨有古人風丁亥歲大饑懋鎮

施粥賑之存活以千數信好施濟鄉鄰咸沐其惠與懋鎮

並舉賓筵元華兩監修文廟邑令扁之曰泮宮著績屢舉

鄉飲力辭不赴採前志合撰

葉祖煥字無偏順治間歲大饑竭力賑之歲除子收債久

不歸至則呵之曰除日孰無家庭歡而堪汝迫促乎嗣後

賑饑者方大遠劉兆相劉其照艾文郁鄉里德之大遠值

兵變贖鄰婦之被虜者若干人前志

范昌齡貢士范彬之父也立義田以勵後學四十失偶僅一子念妻會同患難誓不再娶陳起乾倡立學田嘗起家塾延名師以教其族人江浩隆師訓子能有成前志

張宏道豁達慷慨事關合邑利病如免浮糧獨積逋輒慷慨執言無少諱周懋德勇於任事馮華國鮑文淮以善排解爲族鄰倚重前志

董應瑤字佩玉歲歉平糶貧不能糶者計口賑米鄰火災應瑤焚券籲天反風火滅被火者賜卹之子允寧養志無違父年九十喜修路建橋亭寧奉行不懈歲除族隣待以

舉火者餽以米肉村無愁嘆聲前志

劉定邦留心施與鄰有撫民爲債主偏索將賣妻以償者哭聲聞於外定邦詢知其故捐貲贈之得保匹偶他善舉類是邑中如邵忠宣吳城姜壽如劉廷選吳廷澗戴遠廣曾啟泰皆樂善好施邑公事賴之前志

廩生汪巖字而巖幼受學胞兄眉兄早卒克自振救枕經屏史授徒鄉里隨材造就性好施其從遊中有貧窘者常資助之一時藉以成名者甚衆未及貢而卒前志

周廷詔字有懷常贖金獨建風吹橋贈安仁孝子蔣碧臣



銀米為墓具凶歲節省餘穀貸人不給以錢如數補之年七十餘病知不起命子如璉取所貸簿計之穀千餘石銀數百兩悉焚其券

前志

黃金進字俊玉公平正直質醇樸而經畫瞭如嘗倡首賑饑豐年積穀數百碩凶年散之先無告者其次人浮於食游于人量給之鄰有訟領囊勸解凡稱貸不計子錢子思孔曲體親心奉行無怠邑令呂嘗旌其閭

前志

徐士榮字聖若醇謹樸實囊不甚贏積稍有羨餘輒好施與繼流水修梵宇裝佛像斬曰我別有用處毋我濶也乾隆十二年造環帶橋於栗陂巖鑿石開道又於省郡通衢

造小石橋一洞往來行人無不感頌

前志

戴遠登字德茂居家豐歉有節凶歲常減價賤糶為族中好義者倡近地橋路捐貲修建築東山水壩四鄰獲水利

者咸感之

前志

張廣平力耕務本急公好義族鄰貧窘者隨力賑卹不計其償里中鼠牙雀角之爭賴其排解鄒瑞鳳助鄉鄰婚葬亦以行義孚於鄉

前志

江士傑字超萬本姓熊姑丈贅為子力行孝道得父母歡

心父老艱於嗣傑懇父娶妾生一子傑乞歸宗江父泣曰  
予老且死汝弟穉汝去弟當疇依傑因勉留父故撫弟事

庶母終始一心不利其所有弟又故撫姪愛逾己子

前志

胡國寧鄧顯榮壯年失偶不再娶國寧尤好行其德

前志

呂子彬岑田坂亭爲北鄉通衢前此泥途漚滑行旅多苦

之子彬倡募捐金鑿石鑲砌大路二百二十餘丈以便往

來又以所餘衆姓捐貲買田四畝山五畝在亭贍茶慮難

經久稟請邑侯陳元麟另立贍茶戶輸糧且勒石以垂後

馮前志

方清字賓侯雲亭侯裔清以族蕃譜散會宗支肩任修輯

勞苦不倦生平樂行善事凡有功世教書不惜重貲刊行

學者重其品望

前志

監生汪志孔生平公直好施與鄰有邵姓者因貧出妻志

孔聞之爲償其債而給其家路遇徽客歸奔母喪忽覲危

疾爲親珍護送至其家遽返不令知姓名

謝墉字序人居家孝友與兄弟拆產取瘠讓腴族中有雀

鼠之爭每出己貲力爲排解於通衢建亭二曰果行日印

綬卒年七十有七徐斐章性淡泊而好施與鄉鄰稱之

舒夢熊質樸行方爲鄉邑推重家非素封少有贏餘輒周給貧乏庚子歲饑求濟者盈門盡出家藏各厭其所求以去監生葉範字堅操好利濟人貧不能婚葬者多所飲助租不責逋施不居名鄉人高其品誼

鄧興仁勤儉治生黎明率子弟盡力田疇年老不倦或勸令少休曰流水不腐戶樞不蠹無逸乃逸吾非徒自苦也會爲鄰里代名稱貸錢穀救饑賣田代償不責其報近隣有因貧鬻妻者捐貲贖之室家賴以完聚

汪廷偉邑庠生自處儉樸而傾心向義知縣徐區獎以六行維風跋其後曰每歲發粟賑貧全活甚夥睦姻任恤之風克維頹俗茲受其沾溉者公籲請旌爰額匾以旌善人庠生黃中官字弼予品行端方爲衆推服授徒不計束脯遊庠掇科者屢出其門村居有寺前陂久廢中官倡捐興築同井均沾灌溉修寺仙橋水口山橋費累二百金耆民趙華宗同弟華德慷慨好義至老不倦

庠生余暢慷慨好義乾隆十六年歲饑暢將田地質與素封買穀百餘石接濟族鄰翁兆祥盡出所藏以賑貧人庠生汪浩性孝友兄弟析爨弟食指較繁隨時給與不令

缺乏平生做衣惡食而捐金修路賑荒無吝色監生方剛  
遇族子寬宏負債鬻妻既代償之又給其衣食俾得完聚  
捐渡施棺又其餘與吳德裕素有善行卒年七十有八  
蔡鼎懋以陶塘己業爲義塚葬商旅之不能葬者每歲清  
明屬家人培土厚其塚舒祖珩捐穀百餘石賑祠源葛姓  
被火災民陳秉忠以排難解患爲鄉鄰信服

葉振茂字茂章好善歲歉施米大饑更施糜粥鄉鄰賴以  
存活者甚衆造橋修路樂此不疲翁方顯遇荒能盡出所  
藏以賑不足賣腴田濟之與振茂俱列賓筵

趙與柱鄉鄰忿爭往往出己資以和解之雖多不惜建家  
塾以訓族人捐聘金以延隣嗣年七十有一卒張天如亦  
以信義爲鄉鄰排解數十年無構訟公庭者

蔡騰蛟何良佐蔡上字俱盛年喪偶義不再娶騰蛟撫孤  
姪有恩義

附貢生方譽焯字殿臚歲饑散穀施粥族隣賴以存活因  
貧鬻妻者量周之黃汝權葉之儀俱有善行翁永梁族有  
被火二十餘戶多出錢粟饋送其家鄉族感惠

陳躍龍字紫會性耿介人所敬憚年四十無子買妾某氏

其兄偕來兄垂別妾哀泣不忍舍躍龍憐之命其兄携以歸並原金贈之後娶李氏舉子七長玉書戊子領鄉薦毛士鵬字雲程邑有善舉傾囊無德色乾隆二十年於徽饒通衢獨建梅溪橋二十四年又獨建火燒橋俱未募化一人子庠生字文克體父訓好學有才爲善事一如父在時有稱貸者不迫取市有一徽商欠銀二百餘兩後欲鬻妻罄產以償宇文止之焚其券乾隆三十二年時疫相沿前後共助棺百二十有奇士鵬年七十九而卒宇文卒年五十

汪世冲字允華郡庠生父老目盲朝夕調護進湯藥不懈兄年老僅生一子卽世世冲撫孤姪教養兼篤族貧乏者嘗以米穀濟之門近通衢客貧不能歸世冲輒贈以金學師舉報優行

邵周華倡建紅林橋延平橋方廷榮修造姚家橋東岱嶺大路楊世道捐造大石橋汪家橋張玠捐造自庄橋修蛇山路建涼亭四其他善蹟甚多俱年七八十而卒

花士鈞字大雅庠生有任卹風族姻子弟貧不能學者延之家塾爲出束脩助之花中茗園學生爲從父後待其同

生情誼倍篤隣有負累鬻其妻者代償之邑俗舉債者窘甚動以鬻妻脅債主債主不顧不得已竟行之局外人心惻有爲代償者故義行中數見之

大觀縣出蘇林書大自蘇口... 高佩華... 而家... 晉以米... 以平... 山... 中...

隱逸

晉

張某隱居石室其名不可考舊志云在弋陽南十餘里琢石爲室其形如困郡守鄒陵庾翼欲表薦之隱而不見即其居因以爲號焉

宋

姚珪字叔道博學多能喜清淨厭名場誅茅縛屋於萬松深處汲泉種蔬悠然自得宋元祐間遣官往徵之不就攜妻子去不知所之

詹以和字致祥號雙崖屢徵不仕著有述祖大觀等書傳  
世元時爲立湖山書院以表揚之學行與周仰山齊名仰  
山者周彌高欽道亦隱而賢者

舊郡志

黃孟喬字梅庵退畊深谷平生未嘗見貴人所賞契者山  
樵水漁而已吟詩不必韻率其興之所寄有白雲稿十卷

後燬於兵

舊志

張祐字叔泰號淨泉操行甚謹閑通經史雅嗜咏歌出語  
渾成不事雕琢有晚唐之風兩膺薦舉皆不就讀書誦詒  
以終其身

舊志

楊定宇安之博學強記兼有遠識有司以茂才舉力辭不  
就嘗惟所餘以賑貧乏不責其報年八十餘黃冠野服徇

祥邱壑意泊如也

舊志

謝楨得字君舉枋得從弟仕於宋爲大理評事因元兵奄  
至兄弟叔姪死國者五六人楨得慨然曰不有死戰無以  
成其忠不有遜荒無以全其孝我能不爲宗祀計乎遂負  
家廟祭器譜牒北走大麓之野後遷於謝源東山之下居

焉

舊志

按舊志文節傳原跋枋得裔僅存幼子定之賢而能

文亦累徵不赴附識於此

楊以成字習之號石溪處士從謝文節遊嘗遺之書畧曰  
七十年來文體卑陋極矣天運循環必有作者枋得頗有  
興起斯人之意倡而無和言而莫聽近年始得張伯大與  
習之兄弟卓然自立不從俗浮沉豈特時文當爲天下雄  
今之同志卽後之同傳枋得深有望焉其見重於文節如  
此子如叔博學能文隱居不仕號南野拙民

舊志

明

程伯宜性狷介治春秋左氏發明聖賢之蘊尤長於詩後

學求解奧義人人樂得其旨至今宗師之

舊志

李行簡字文彬號漁隱博涉經史酷好吟咏築祠堂以奉  
先人建義塾以教宗族子弟郡守姚贈以詩曰風月一竿

秋水深都憲韓表其里曰高士坊

前志

李元春字子仁號澗石善詩文性好山水數往來黃山富  
春間所至必交其名士都憲江華原嘗爲文贈之有云學  
觀其瀾行介如石年九十餘而卒

前志

陳以朝字伯宗美鬚眉嗜書史雅不樂仕進惟依依兩親  
是娛年屆髦期猶好飲交結五老社皆邑中名俊享年八



十舊

國朝

方名世字盛臣嘗構一小齋藏書其中日誦數萬言嘉言懿行手自抄錄不求聞達於世董良慶字少堂愛栗溪山

水口遊眺焉家居力田孝弟以隱德稱

採前志合撰

新方技

明

朱多炆字貞吉

按書史會要號灤泉官奉國將軍

弋陽王多煜之弟親敏

絕人善詩歌兼工繪事見古人墨蹟一再臨摹如出其手

尺牘小札日可百函語皆有致嘗輕裝出遊變姓名為來

相如遠遊山水踪跡徧吳楚之間嘗偕吳明卿入吳訪王

伯穀於金陵王元美於弁山歸而掩關却掃以倦遊名其

詩臨終操筆作帖命其子謀垣以自幘鶴斂楫側並鐫

勒銘識弟子私謚曰清敏先生

通志增

汪霖兗州守心淵之子垂髮食廩擅臨池之長與堂兄森氣誼更洽遊博山晤雪和尚教以導養術遂棄舉子業與森放懷詩酒徜徉山水吳懋功亦好遊癖書出入必以一卷自隨邑中稱高士

舊志

汪一夔憫災恤苦每遇荒年助穀賑濟精於刀圭施藥療病無不立愈鄉里德之

前志

國朝

花盛大性孝友好施與嘗見以鍼治咽喉者多致死傷乃博求諸方得吹藥數品施輒效全活者眾大學士焦芳為

誌其墓

郡前志

洪濤少業儒後顓醫每施藥濟人如神授太醫院副從征交趾軍中大疫濤以蒼朮黃柏百鍋煮之徧飲皆愈改榮藩良醫正王缺唇濤搗藥補之如天成加褒賞年九十致

仕

郡前志

譚應璧字維卿性瀟洒雅好賓客善植竹木能順物之性所植無不蕃茂他或效之莫如也學士多造廬願結交焉

郡前

黃雍字敬和博通典籍工行草書法有義獻之遺性愛竹

構室其中吟咏以自適號萬个軒著述甚富皆不欲傳前志

張琛字士淵博涉經史善吟咏渾厚有唐人風尤工書法

兼通真草篆隸好寫梅竹居家嚴禮法斥絕緇羽之教兩

膺薦辟皆不就前志

徐文相操履醇篤樂善好施尤精醫理炮製催生丸及治

痢之劑所活不下百人馮時近少業醫及青島術亦好行

其德郡前志

毛有華字旭儀幼業儒親老家貧究心岐黃善醫險症有

張氏疾垂危日將眩醫士俱束手去時有華至曰此火症

也投丸藥一劑即愈滿座驚異敦請者絡繹不絕饒廣二

郡皆知名前志

陳于玉少習舉業不售徙術刀圭精於脉理用藥如神日

以救人為事貧者不愛一錢湯斌醉心山水習青島家言

鄉之安厝而獲福者多德之前郡志

余國用號懷泉力田養親家稍贍即從名醫習岐黃術精

其業者三十年黃曼曙徐成吉為小兒種痘苗得十全術

遠近皆爭延之舊志

方又聖精通脉訣善調藥丸雖遇險怪之症投之輒效邑

有病劇危懸呼吸延至從容按脈許可治連下數劑漸甦  
數日愈尤善治癆瘵早延之十活八九其友鄔左升持術  
濟人亦多著異效

前志

李聖友業醫居心仁厚病家力不能延醫者輒持丸末往  
詣調治遠近咸悅亦未嘗少有德色饒國媚究心四大家  
書遇疾投劑輒愈有募修橋路者捐助不吝

前志

方哲初業醫嘗治王氏子疾他以為必死其母微恙并診  
之曰子病虛熱服地黃湯必愈母病可憂後子果愈而母  
卒人賴活者甚衆孫向榮幼穎敏博學有文名惜費志沒

前志

董友愈字仲南邑庠生讀書知大義早年喪偶鰥居四十  
餘年又工堪輿術為人窳窳先骸必忠嘗曰吾不恃其所  
知以貪天功亦不自欺其所不知以速人禍知言者謂無  
無愧儒術云卒年七十五

唐 寓賢  
劉長卿字文房河間人開元進士至德中為監察御史以  
檢校祠部員外郎為轉運使判官知淮南鄂岳轉運留後  
鄂岳觀察使吳仲儒誣奏貶播州南邑尉有為之辨者除  
睦州司馬終隨州刺史詩集十卷內有餘汗夜宴歸弋陽  
山居登餘汗古縣城與諸姪宴餘汗後溪同姜濬題裴式  
微餘汗東齋負謫後登於越亭諸詩

唐 寓賢  
劉長卿字文房河間人開元進士至德中為監察御史以  
檢校祠部員外郎為轉運使判官知淮南鄂岳轉運留後  
鄂岳觀察使吳仲儒誣奏貶播州南邑尉有為之辨者除  
睦州司馬終隨州刺史詩集十卷內有餘汗夜宴歸弋陽  
山居登餘汗古縣城與諸姪宴餘汗後溪同姜濬題裴式  
微餘汗東齋負謫後登於越亭諸詩

媿禮存原籍黃州麻城人唐學士思廉裔也登貞觀丁未

進士博學能文初宰延平洞悉民隱民頌神明後補玉山  
令多著異績疑獄必平反之既致仕慕大山水奇秀擇東  
衝而家焉居鄉推誠無偽人之有詭行者一見輒避去謂  
姚公長者無使知我其四世孫存濟以武功顯立廟和州  
宋時顯靈護國勅封忠靖侯後昆蕃衍累擢科第成望族  
焉前志  
晉陳宰文其河間人開元中士至中為溫州刺史  
張探東漢張綱九世孫也父文君樓丹霞山以高隱稱探  
有父風嘗對白雲鼓掌舒笑人問公笑因何事答曰笑笑

笑何事拍拍都是春人遂呼為笑拍翁由永嘉徙饒陽後  
隱於信州遇山為室信州守庾翼欲表薦之不就遂遁去  
性愛梅周遭植梅以自娛遂以梅名其嶺子孫世居焉前志

宋

楊億字大年建州浦城人祖文逸南唐玉山令億將生文  
逸夢一道士自稱懷玉山人來謁未幾億生七歲能屬文  
對客談有老成風太宗聞其名詔送闕下賦詩五篇深加  
賞異即授秘書省正字歷官翰林學士兼史館修撰判館  
事權景靈官副使卒所著藉蒼武夷穎陰韓城退居汝陽

人物 寓賢

蓬山冠菴等集內外制共一百九十四卷愛弋之山水為世居之里前志

葉儼字儁齋元符進士授大理寺評事本浙江處州籍建炎初棄官隱弋陽縣南之遇春別號漁隱遂家於此八子二十一孫壽九十四卒塋於何潭大理卿周三畏誌其墓

舊志

按前志又以儼列名臣未合

徐兢字明叔南唐騎省都尉鉉之裔仕至刑部郎中善書畫人物瀟灑有圖在弋陽王洋為賦真意堂詩會文清幾

為賦蓮樹詩因於弋卜居焉舊志

按前志徐兢既列寓賢則非土著可知乃於宦業門復為立傳殊乖體例今故以寓賢為斷

王十朋字龜齡温州樂清人幼奇穎日記數千言廷對愷切高宗擢第一官龍圖閣學士諡文忠其先嘗與朱子講學於碧落洞天書院山澗有橋名梅溪著有梅溪集遂號梅溪朱子稱之曰光明正大磊落君子也前志

朱熹字元晦徽州婺源人父松為尤溪尉卒熹年十四奉遺命依劉子羽寓居崇安築室武夷山中為講學之所後

從建陽往來徽婺道經於弋嘗過碧落洞天書院與王梅溪講學焉史稱絕學以來集諸儒之大成發先聖之秘要

一人而已卒諡曰文

前志

張粹字充美原籍饒郡乾道間以文學授蕪溪縣丞清廉惠愛士民感之淳熙二年解組道經弋南三十六都果塢見山水靈秀土田腴美囑孫顛和遷居於此名其地曰靈湖後子孫蕃衍分析南泉等處合建祠以祀之燬於火今址尙存

前志

元

董仲一字子仲饒州人順帝時任湖廣邵陽縣丞陞廣元知縣以親老疏乞終養懷田園之樂明初僑寓弋之栗溪相度地勢導溪水以利稼穡遂卽其址而家焉愛武山之秀因自號武峯今子姓蕃昌就所遺花園舊址建祠以祀

前志

明

張伯誠原籍撫州人舉孝廉不樂仕進建文間靖難兵起挾其弟明經伯明諸生伯用伯光避地弋之聖筓山尋遷茶園今子孫居雙溪者伯誠裔也爲人敦重和粹恬淡情



多紛華慮少以古風自高

前志

陳際泰字大士臨川人常往來弋境穎異殊常少即負交

名晚年成進士平生無書不讀點次二十一史不閱三月

制藝為一代宗匠教人作文祇云古峭難者以為泰山之

巔非可成宮室其若高危何大士曰奚必宮室獨不開龍

文五采仰在天上耶當為諸生時曾有海舶漂至遠島見

市廩縣一布旗大書大士先生稿在焉其人服流播海外

又如此

前志

